



UNIVERSITÄTS-  
BIBLIOTHEK  
PADERBORN

**Ethica Symbolica E Fabularum Umbris In Veritatis Lucem  
Varia Ervditione Noviter evoluta**

**Pexenfelder, Michael**

**Monachii, 1675**

2. Veneris poma.

---

[urn:nbn:de:hbz:466:1-68709](#)

bus hodiéque centuriantur, quibuscumque vilia sunt pudoris pericula. *Aphasia* tenuis fortunæ, sed præstantissimæ formæ puella (quod Ælianuſ refert) quod Veneris beneficio in *Cyri*, Darii filii, amicitiam se insinuāſet, Deæ simulacrum fieri curavit, juxta quod Columbam gemmis pītūratam collocavit. Pretiosum in re turpi monimentum. Tanti constant hæc sacra. Alii *passeres*, Cypridis vehiculo subjugant, impares utique tam potenti Numini jugales, niſi summa levitas inefſet huic deæ, & maxima salacitas his volucribus, ideoque brevis vita, quam Plin. lib. 10. c. 36. mari ultra annum non indulget: feminæ aliquantò longiorēm concedit. Nimirum quod Tertullianus ait, *Libidinum sunt vapo- rata momenta*. Caduco laborant morbo *passeres*: non minus libidinoſi; quod suprà diximus. Ovidius 2. Fastor. fabulatur, Venerem cum Cupidine etiam à Piscibus vehi: cùm enim instantem *Tiphœum* gigantem fugeret, trans Euphratem evasit horum ministerio.

Utque ſinu natum tenuit, ſuccurrите Nymphæ

Et diis auxilium fertे duobus ait.

Proſiluitque Triton; *Pisces* ſubiere *Gemelli*,

Pro quo nunc cernis ſidera nomen habent.

Hæc Ovidius. Ethicè ſic habe:

Cur pecus æquoreum fluvialia frigora linquit?

Ætheris in medio fulſilis igne natat?

An quia caluere tuo gelidi de numine *Pisces*,

Blanda Venus, juſſum cùm ſubiere jugum?

Frigida ſic mutas calidis, humentia ſiccis?

Fide, *Pudor*, nivibus ne nimis ipſe tuis.

Curru m̄ Idalium comitantur, & circumvolant, *Rifus*, *Ioci*, *Cupi- dines*. Nam plerumque ſub ſpecie amicitiae ac hilaritatis, fit transitus ad verba prætextata; hinc ad impudicos tactus, & quæ deinde ſequuntur. *Mercurius* quoque ei & *Gratia* adduntur: nam formæ & linguae gratia nihil non impetrat & e blanditur. Certè cùm Venus pomum à Paride eſſet captura, *Hymenæum* & *Cupidinem*, & *Amores*, & *Gratias* juſſit advocari, teste Pausania.

II. (b) Porrò dea hæc pomum ſeu malum manu præfert: nam qui *Amores* pingunt, lufitare eos malis, & inter arbores *malos* laſcivire, poma decerpere, abrodere, jactare conſingunt. Hinc Damætas apud Virg. Eclog. 3.

----- Malo me Galatea petit, laſciva puella.

*Mala*

(b) *Veneris poma*.

*Mala esse inter illicia & Symbola Veneris, notum ex Poëtis: unde juxta adagium, malis se petere dicuntur amantes.* Mala Hippomeni Venus elargitur, quibus Atalantam, diu vietricis pudicitiae Virginem in amores suos pertraxit. Ovid. 10. Metam. Malo Cydippen Acontius venatus est. Erat illa, generis pariter & formæ nobilitate insignis puerilla, cuius amore captus Acontius, cum repulsam metueret, quod neque genere, neque opibus par esset, ad dolum confugit, pomumque ad pedes ejus devolvit, ( alii in sinum ejus conjectisse referunt ) versibus hisce inscriptum.

Juro tibi sanctæ per mystica sacra Dianæ,

Me tibi venturam comitem, sponsamque futuram.

Hoc itaque pomum cum puella incauta sustulisset, versusque in eo descriptos legisset, fidem suam amanti imprudens adstrinxit, & illi nubere, morbo etiam a diis immisso, coacta est.

Et missum sponsi furtivo munere malum, memorat Catullus, quod adventu matris excussum, e castæ Virginis gremio profilierit. Hic monitum illud valet:

----- nimium ne crede colori,

Ille color vermem, quem tegit, intus habet.

Vesceris? ah pransos pestis populabitur artus,

Oréque deluso dira venena trahes.

Poma manu prensare cave, tetigisse, periisse est.

Tangere sed nimium est: tangere velle, nocet.

III. (c) Venus coronam gerit in capite (Plinius lib. 8.c.7. Plutarchus in Pompeio) nempe post pugnam viatrix. Pugnat siquidem *Pulchritudo*, semper invicta. Sed quod pacto? planè mirabili. Pugnat videlicet in otio, vincit in pace, triumphat oculis, tacendo tonat, asperetu fulgurat, & uno, non dicam, impetu, sed intuitu pectus invadit, expugnat animum, & sibi tributarium facit. Quid? quod sine voce loquitur, sine vi vim affert, sine catenis allicit, sine præstigiis immutat mentem, & vidisse viciisse est; & visam esse, triumphasse. Illam propterea videre noluit *Augustus* in *Cleopatra*, ne caperetur, & Victor Orbis, vinceretur a femina. Itaque agenti causam & multis verbis peroranti, aures aperuit quidem, sed clausit oculos. Ad hanc rem Petrarca, Amor, inquit, est latens ignis, gratum vulnus, sanidum venenum, dulcis amaritudo, delectabilis morbus, jucundum supplicium, blanda mors.

IV. (d) Myrto

(e) *Pulchritudinis potentia.*